

ՀԱՇՎԵՏՎՈՒԹՅՈՒՆ
2017թ. ԼՈՌՈՒ ՄԱՐԶՈՒՄ ՔԱՂԱՔԱՇԻՆՈՒԹՅԱՆ ՈԼՈՐՏՈՒՄ ԻՐԱԿԱՆԱՑՎԱԾ
ԱՇԽԱՏԱՆՔՆԵՐԻ ՎԵՐԱԲԵՐՅԱԼ

Քաղաքաշինություն

2017թ. քաղաքաշինության, տրանսպորտի և ճանապարհաշինության, բնակարանային և ենթակառուցվածքների ոլորտում մարզում նախատեսված 22972.1մլն դրամից իրականացվել է շուրջ 22398.2մլն դրամի շինարարական աշխատանքներ / Հավելված-1/,

այդ թվում, **քաղաքաշինության ոլորտում** նախատեսված 7265.3մլն դրամից փաստացի իրականացվել են 6904.6մլն դրամի շինարարական աշխատանքներ, որը

ըստ **Ֆինանսավորման** աղբյուրների ունի հետևյալ պատկերը՝

ՀՀ պետական բյուջեի ֆինանսավորմամբ – 2431.2մլն դրամի, որից

- ՀՀ ԿԱ քաղաքաշինության պետական կոմիտե– 1462.6մլն դրամ
- ՀՀ մշակույթի նախարարություն – 63.01մլն դրամ
- ՀՀ պաշտպանության նախարարություն– 240.0 մլն դրամ
- ՀՀ գյուղատնտեսության նախարարություն- 39.6 մլն դրամ
- ՀՀ աշխատանքի և սոց. հարցերի նախարարություն- 169.4 մլն դրամ
- ՀՀ ազգային արխիվ- 50.0 մլն դրամ
- Լոռու մարզպետարան – 333.5 մլն դրամ
- Դպրոցների խնայված միջոցներով «Սմարթ» դասարանների կառուցում-73.1 մլն դրամ

Հայաստանի տարածքային զարգացման հիմնադրամ/ՀՏՀՀ/ – 852.3 մլն դրամ

Այլ ֆինանսական միջոցներով- 3262.1 մլն դրամ, որից՝

- Դոնոր կազմակերպությունների և մասնավոր ներդրողների կողմից-3550.9 մլն դրամ
- Համայնքների բյուջեների հաշվին իրականացված աշխատանքներ-70.2 մլն դրամ

6904.6մլն դրամի շինարարական աշխատանքները ըստ **ոլորտների** բաշխվել են հետևյալ կերպ՝

h/h	Ըստ ոլորտների	Ընդամենը մարզում	ՀՀ պետական բյուջե	Այլ ֆինանսավ.	ՀՏՀՀ
1	Բնակարանաշինություն	321.8	321.8	0.0	0.0
2	Կրթական օբյեկտներ	1798.4	213.3	952.9	632.2
3	Մշակութային և սպորտային օբյեկտներ	463.2	207.7	125.0	130.5
4	Առողջապահական օբյեկտներ	1562.7	1307.1	166.0	89.6
5	Այլ օբյեկտներ	2758.5	381.3	2377.2	0.0
	Ընդամենը	6904.6	2431.2	3621.1	852.3

Քաղաքաշինության ոլորտում առավել խոշոր օբյեկտներն են.

- **«Վանաձորի բժշկական կենտրոն» ՓԲԸ-ի շենքի կառուցում՝ 1.** Հիվանդանոցային մասնաշենք՝ իրականացվել է ՀՀ պետական բյուջեի ֆինանսավորմամբ: Ծրագրային գումար՝ 4 մլդ 485. 5 մլն. դրամ: 2. Ծննդատան մասնաշենք՝ իրականացվել է «Տաշիր» ԲՀ-ի ֆինանսավորմամբ: Ծրագրային գումար՝ 1 մլդ 150 մլն. դրամ: Շինարարության սկիզբը՝ 2014թ, ավարտը՝ 2017թ:
- **Վանաձորի թիվ 18 դպրոցի վերակառուցման աշխատանքներ**՝ իրականացվում է ՀՀ պետական բյուջեի ֆինանսավորմամբ՝ 1 մլդ 150 մլն դրամ նախահաշվային արժեքով: Աշխատանքները սկսվել են 2014թ.-ին /շարունակական/:
- **«Հիվանդությունների վերահսկման և կանխարգելման ազգային կենտրոն» ՊՈԱԿ-ի Վանաձորի մարզային լաբորատորիայի կառուցում՝ 816.0 մլն դրամ:** Աշխատանքները սկսվել են 2015թ.-ին և ավարտվ են 2017թ.:
- **Դեբեդ համայնքում ««ՍՄԱՐԹ»» կենտրոնը** կառուցվում է «Հայաստանի մանուկներ հիմնադրամի» /COAF/ ֆինանսավորմամբ՝ 3.0 մլն դոլար արժեքով: Շինարարական աշխատանքները սկսվել են 2015թ.:
- **«Ալավերդի և Սպիտակ քաղաքներում նոր մանկապարտեզի շենքերի կառուցում»** իրականացվում է «Տաշիր» ԲՀ-ի շուրջ 1,0 մլդ դրամի ֆինանսավորմամբ: Շինարարական աշխատանքները սկսվել են 2016թ -ին /շարունակական/:
- **Վանաձորի թիվ 7 դպրոցի կառուցում՝** իրականացվում է ՀՏՀՀ-ի կողմից՝ 798,0 մլդ դրամի Ասիական զարգացման բանկի ֆինանսավորմամբ: Շինարարական աշխատանքները սկսվել են 2017թ. և կավարտվեն 2019թ:
- **Մեծ Պարնի գյուղի մանկապարտեզի շենքի կառուցում՝** իրականացվում է ՀՀ պետական բյուջեի ֆինանսավորմամբ: Պայմանագրային գումար՝ 135.0 մլն. դրամ, որից 39,2 մլն. դրամը 2017թ.: Շինարարության սկիզբը՝ 2016թ, ավարտը՝ 2018թ:

VII ՀՐԱՏԱՊ ԾՐԱԳԻՐ

Լոռու մարզի հրատապ լուծում պահանջող հիմնախնդիրների իրականացման համար ՀՀ կառավարության 17.02.2017թ. թիվ 153-Ն և 11.05.2017թ թիվ 503-Ն որոշումներով Լոռու մարզպետարանին քաղաքաշինության ոլորտի շինարարական աշխատանքների համար հատկացվել է 369 759 900 դրամ: Մրցույթների արդյունքների հիման վրա կապալառու կազմակերպությունների հետ կնքվել են 246 238 800 դրամի պայմանագրեր, խնայվել է 123 521 100 դրամ:

Օբյեկտների ցանկը հավելված 1-ում:

Նշված միջոցներով 17 համայնքներում իրականացվել են ներքոհիշյալ շինարարական աշխատանքները՝

1. Բազմաբնակարան շենքերի տանիքների վերանորոգում - 8 համայնքում, 14 շենքեր 81,8 մլն դրամի
2. Համայնքային կենտրոնների վերանորոգում - 2 համայնքում, 23,7 մլն. դրամի
3. Փողոցների լուսավորության համակարգի կառուցում - 1 համայնքում, 5.0 մլն. դրամի

4. Մշակութային օբյեկտներ - 3 համայնքում, 61,0 մլն. դրամի
5. Զրամատակարարում և ջրահեռացում՝ 2 համայնքում, 40,4 մլն. դրամի
6. Գազամատակարարում՝ 1 համայնքում, 6.2 մլն. դրամի
7. Կրթական՝ 1 դպրոց-4,0 մլն. դրամի
8. Առողջապահական՝ 1 բուժկետ-1,5 մլն. դրամի
9. Այլ օբյեկտներ - 2 օբյեկտ, 22,7 մլն. դրամի/ սեղավատար և կամուրջ/

Դպրոցներում «Սմարթ» դասարանների վերանորոգում

2016թ-ից Վանաձորում գործում է միջազգային չափորոշիչներին համապատասխան տեխնոկենտրոն: Նախատեսվում է ավարտին հասցնել Դեբեդ գյուղի հարակից տարածքում «Սմարթ» ուսումնական կենտրոնի կառուցումը, իսկ Վանաձորում կառուցվելու է Երևանի «Թումո » կենտրոնի մասնաճյուղ: 2017թ. մարզը Լոռու մարզպետի կողմից հայտարարվել է «Սմարթ» մարզ, որի կայացմանը նպաստելու է նաև դպրոցներում «Սմարթ» դասարանների հիմնումը:

2017թ., մարզպետի հանձնարարությամբ, մարզի թվով **16** դպրոցներում խնայված ֆինանսական միջոցներով վերանորոգվել են «Սմարթ» դասարաններ՝ **73.1** մլն. դրամի:

Դպրոցներում «Սմարթ» դասարանների վերանորոգումը կշարունակվի նաև 2018թ.: 2018թ. հունվարին ավարտվել են թվով 6 դպրոցների / Օձունի թիվ 2, Վանաձորի թիվ 1, Վանաձորի թիվ 3, Գուգարքի հիմնական, Լեռնապատի, Լեռնահովիտի դպրոցներում/ 13.3 մլն դրամի «Սմարթ» դասարանների վերանորոգման նախագծա-նախահաշվային փաստաթղթերի կազմումը, ընթացքում է շինարարական աշխատանքների գնման մրցույթը:

1	Վանաձոր համայնքի թիվ 25 դպրոց	3.530
2	Շնողի միջնակարգ դպրոց	2.380
3	Զրաշենի միջնակարգ դպրոց	1.210
4	Մեծավանի թիվ 1 միջնակարգ դպրոց	1.530
5	Ալավերդի համայնքի թիվ 12 դպրոց	6.489
6	Օձուն համայնքի թիվ 1 դպրոց	3.478
7	Սպիտակ համայնքի թիվ 2 դպրոց	2.229
8	Ստեփանավան համայնքի թիվ 1 դպրոց	4.700
9	Մարգահովիտ համայնքի դպրոց	2.739
10	Վանաձոր համայնքի թիվ 16 դպրոց	13.113
11	Վանաձոր համայնքի թիվ 30 դպրոց	6.831
12	Վանաձոր համայնքի թիվ 27 դպրոց	5.296
13	Վանաձոր համայնքի թիվ 28 դպրոց	2.749
14	Վանաձոր համայնքի թիվ 4 դպրոց	5.810
15	Տաշիր համայնքի թիվ 2 դպրոց	7.077
16	Վանաձոր համայնքի թիվ 6 դպրոց	3.924

ՀՀ Լոռու մարզի աղետի գոտու բնակավայրերում բնակապահովման խնդիրների վերաբերյալ

2017թ. Հայաստանի Հանրապետության կառավարության տարբեր որոշումներով Լոռու մարզին հատկացվել է 45,5 մլն դրամ: Հատկացված միջոցներից 20 մլն դրամն ուղղվել է Սպիտակ

քաղաք ում կառուցված սպորտդպրոցի տարածքի իրացման դիմաց: 4 ընտանիքից 2-ը մեկ սենյակի շահառուներ էին, երկուսը՝ 2 սենյակի: 1 սենյակի համար տրամադրվել է 9,0 մլն դրամ, յուրաքանչյուրին 4,5 մլն դրամ, իսկ 2 սենյականոց բնակարանի շահառուներին՝ 11 մլն դրամ, յուրաքանչյուրին 5,5մլն դրամ: 25,5 մլն դրամից 7,5մլն դրամն ուղղվել է Սպիտակ քաղաքում բնակարանային պայմանները բավարարելու իրավունքը դատական կարգով վերականգնած 4 սենյակի շահառու ճանաչված մեկ ընտանիքի, բնակարանի գնման վկայագրի միջոցով բնակարան ձեռք բերելու նպատակով ֆինանսական աջակցության տրամադրմամբ: 18մլն դրամն ուղղվել է Լոռու մարզի գյուղական բնակավայրերում բնակարանային պայմանների բարելավման իրավունքը դատական կարգով վերականգնած եւ մեկ սենյակի շահառու ճանաչված 6 ընտանիքի ուղղակի ֆինանսական աջակցության տրամադրմանը, յուրաքանչյուրին 3,0 մլն դրամի չափով:

Լոռու մարզպետի կարգադրությամբ ստեղծված աշխատանքային խումբը, որը ղեկավարում էր մարզպետի խորհրդական Լ.Ասլանյանը, ուսումնասիրել է պատրաստականության տարբեր տոկոսներով 196 գույք աղետի գոտու Լոռու մարզի Արեւաշող, Բազում, Գեղասար, Գոգարան, Գուգարք, Դարպաս, Լեռնապատ, Լեռնավան, Լեռնանցք, Ծաղկաբեր, Կաթնաջուր, Մեծ Պարնի, Շիրակամուտ, Զրաշեն եւ Սարահարթ համայնքներում: Լոռու մարզպետարանի աշխատակազմի քաղաքաշինության վարչությունից այդ աշխատանքներին մասնակցել են վարչության աշխատողներ Ա.Հարությունյանը, Գ.Հախինյանը, Ա.Փանոյանը եւ Ա.Վարդանյանը: Ուսումնասիրության համար հիմք են հանդիսացել «Գլենդել Հիլզ» ՓԲԸ եւ սնանկության հարցերով կառավարչի կողմից տրամադրված նյութերը: Աշխատանքային խմբի կողմից կատարված համեմատական աշխատանքների արդյունքում կատարվել է ավարտվածության աստիճանի ճշտում: Աշխատանքային խումբը հաշվարկները կատարվել է՝ հիմք ընդունելով ՀՀ քաղաքաշինության նախարարի 2009թ. ապրիլի 3-ի թիվ 35-Ն հրամանը: «Գլենդել Հիլզ» ՓԲԸ եւ սնանկության հարցերով կառավարչի ներկայացրած տվյալները նվազեցվել են մոտ 43,0 մլն դրամով:

ՀՏՀՀ-ի /ՀԱՅԱՍՏԱՆԻ ՏԱՐԱԾՔԱՅԻՆ ԶԱՐԳԱՅՄԱՆ ՀԻՄՆԱԴՐԱՄ/ ծրագրով նախատեսված է իրականացնել շուրջ **1,977** մլդ դրամի շինարարական աշխատանքներ:

ՀՏՀՀ-ով նախատեսված աշխատանքները սկսվել են 2016թ-ից, 2017թ իրականացվել է 852.3մլն դրամի, իսկ մնացած աշխատանքները կիրականացվեն 2018-2019թթ: Այս ծրագրերի իրականացումը մեծ աջակցություն է մարզի համայնքներին:

	Ծրագրի անվանումը	Ծրագրավորված գումարը մլն դրամ	Փաստացի կատարվել է 2017թ	Ծանոթություն
1	Ստեփանավանի մարզադպրոցի հատակների հիմնանորոգում	18.9	0	աշխատանքները կսկսվեն և կավարտվեն 2018թ
2	Ալավերդու մանպատանեկան մարզադպրոցի ըմբշամարտի դահլիճի հիմնանորոգում	79.6	33.8	աշխատանքները սկսվել են 2016թ. և ավարտվել են 2017թ.
3	Տաշիրի համայնքային կենտրոնի հիմնանորոգում և համալիր սոցիալական ծառայության շենքի վերակառուցում	111.0	96.7	աշխատանքները սկսվել են 2016թ. և կավարտվեն 2018թ
4	Ալավերդու թիվ 4 դպրոցի հիմնանորոգում	171.1	0	աշխատանքները կսկսվեն 2018թ. և կավարտվեն 2019թ
5	Ախթալայի թիվ 2 դպրոցի հիմնանորոգում	158.7	106.6	աշխատանքները սկսվել են 2016թ. և կավարտվեն 2018թ.

6	«Ստեփանավանի բժշկական կենտրոն»ՓԲԸ համաբուժարանի հիմնանորոգում	155	89.6	աշխատանքները սկսվել են 2016թ. և կավարտվեն 2018թ.
7	Գյուլագարակում մանկապարտեզի կառուցում	169	133.6	աշխատանքները սկսվել են 2016թ. և կավարտվեն 2018թ.
8	Սպիտակի մշակույթի տան վերանորոգում, ջեռուցման համակարգի կառուցում	76.4	0	աշխատանքները կսկսվեն 2018թ. և կավարտվեն 2019թ.
9	Վանաձորի թիվ 11 մանկապարտեզի հիմնանորոգում	158.4	16	աշխատանքները սկսվել են 2017թ. և կավարտվեն 2018թ.
10	Վանաձորի թիվ 7 դպրոցի կառուցում	798.0	360	աշխատանքները սկսվել են 2017թ. և կավարտվեն 2019թ.
11	Արևաշողի դպրոցի մարզադահլիճի կառուցում	81.4	16	աշխատանքները սկսվել են 2017թ. և կավարտվեն 2019թ.

Սարուխանյան ընտանիքի կողմից կատարվել է Վանաձորի թիվ 1 դպրոցի շենքի արտաքին հարդարման աշխատանքներ՝ շուրջ 10.0մլն.դրամի:

Քաղաքաշինության վարչության կողմից արձանագրված խնդիրները և վերացման ուղիները

Քաղաքաշինության բնագավառի գործունեության վարչական հսկողություն է իրականացվել մարզի 35 համայնքում և կազմվել համապատասխան արձանագրություններ:

Համայնքներում իրականացված վարչական ստուգումների ժամանակ արձանագրվել են թերություններ, որոնք բնորոշ են համայնքների մեծամասնության համար, մասնավորապես մարզի 7 համայնքներ ունեն գլխավոր հատակագծեր, իսկ մնացածները չունեն, որի պատճառը համայնքների ֆինանսական միջոցների սղությունն է: Համայնքների միավորման արդյունքում անհրաժեշտություն է առաջացել կազմել միավորված հանայնքների համակցված գլխավոր հատակագծեր: Համայնքներում չի վարվում քաղաքաշինական կադաստր, համայնքները չունեն քաղաքաշինական կանոնադրություն: 2016թ. համեմատությամբ շինարարության թույլտվությունների, ավարտական ակտերի ձևակերպման և շահագրգիռ մարմիններին ներկայացման գործընթացը բարելավվել է 2017թ.:

Ուսումնասիրությունները ցույց են տվել, որ համայնքներում բարելավվել են սակավաշարժ խմբերի համար շենքերի և շինությունների մատչելիության աստիճանը, բայց դեռևս հեռու են բավարար լինելուց:

Քաղաքաշինության վարչության գործառնություններից

Վարչության կողմից պարբերաբար կատարվել են ուսումնասիրություններ ՀՀ պետական բյուջեից Լոռու մարզպետարանին հատկացված միջոցներով իրականացվող շինարարական աշխատանքների ընթացքի և որակի, ինչպես նաև պայմանագրային պարտավորությունների կատարման ապահովման համար:

2017թ. ընթացքում մարզի համայնքներից համաձայնեցման նպատակով ՀՀ Լոռու մարզպետարան են ներկայացվել հողհատկացման, տարածքների գործառնական նշանակության փոփոխման, ՃՀԱ-ների ու նախագծերի համաձայնեցման 61 առաջարկներ, որոնցից 37-ը վերաբերվում են հողամասերի նպատակային, 21-ը գործառնական նշանակության, 3-ը գլխավոր հատակագծերի փոփոխություններին: Բոլորի նկատմամբ սահմանված կարգով տրվել են համապատասխան եզրակացություններ:

Քաղաքաշինության վարչություն են մուտքագրվել տարբեր գերատեսչություններից, համայնքներից և քաղաքացիներից քաղաքաշինական բնագավառին առնչվող՝ 1610 գրություններ և դիմումներ, որոնք ստացել են համապատասխան ընթացք:

2018թ.շինարարական ծրագրերի հիմնական ուղղությունները լինելու են՝

Բազմաբնակարան բնակարանային ֆոնդի վերականգնում, բակերի բարեկարգում, կոմունալ ենթակառուցվածքների վերանորոգում:

Հանրակրթական ուսումնական հաստատությունների շենքերի սեյսմակայունության բարձրացում և վերանորոգում:

Մշակութային օբյեկտների շենքերի կառուցում և վերանորոգում:

Գյուղական համայնքներում առողջապահական օբյեկտների կառուցում և վերանորոգում:

ՏՐԱՆՍՊՈՐՏ

Մարզում գործում են 62 ներմարզային կանոնավոր ուղևորափոխադրումների երթուղիներ: Այդ երթուղիների սպասարկումը մրցութային կարգով իրականացնում են 14 մասնավոր կազմակերպություններ:

Մարզում գործում է «Հարավկովկասյան երկաթուղու» Գյումրի-Այրում հատվածը՝ 12 կայարաններով:

Ներքաղաքային կանոնավոր ուղևորափոխադրումներ իրականացվում են Վանաձոր, Ալավերդի և Սպիտակ քաղաքներում:

2017թ. վերագործարկվել է Քարինջ-Մարց-Վանաձոր երթուղին:

Ուղղորդում արձանագրված խնդիրները և դրանց վերացմանն ուղղված միջոցառումները

Ուղևորահոսքի սակավության պատճառով մարզի վեց փոքր համայնքներից՝ Դաշտադեմ, Հովնանաձոր, Քարաբերդ, Կաճաճկուտ, Ծաղկաշատ և Ձորագյուղ, կանոնավոր ուղևորափոխադրումներ չեն իրականացվում: Այդ համայնքներից ուղևորափոխադրումներն իրականացվում են սեփական և տաքսի ավտոմեքենաներով:

Փոխադրողների կողմից նոր ավտոբուսներ և միկրոավտոբուսներ չեն ներկայացվել, քանի որ ուղևորահոսքի նվազման հետևանքով ներմարզային երթուղիներ սպասարկելը դարձել է տնտեսապես ոչ շահավետ: Դրան նպաստում է նաև այն, որ տաքսոմոտորային փոխադրումները բավականին ազատականացված են և կանոնավոր փոխադրումներ իրականացնողները գտնվում են ոչ մրցակցային պայմաններում:

2018թ. բացի ընթացիկ աշխատանքներից նախատեսված է կատարել ուսումնասիրություններ՝ բնակչության սպասարկման որակը բարձրացնելու և երթերի կատարման ժամանակացույցը ուղևորներին ավելի հարմարավետ դարձնելու համար, ինչպես նաև բացատրական աշխատանք տանել վարորդների շրջանում պատշաճ մակարդակի սպասարկում ապահովելու նպատակով:

ՃԱՆԱՊԱՐՀԱՇԽՆՈՒԹՅՈՒՆ

Համաձայն ՀՀ կառավարության 2014թ. փետրվարի 13-ի N265-Ն որոշման, Լոռու մարզում ավտոմոբիլային ճանապարհների ցանցը կազմում է 891.1կմ, այդ թվում ըստ նշանակության՝

- | | |
|----------------------|----------|
| • միջպետական | 218.9 կմ |
| • հանրապետական | 264.3 կմ |
| • մարզային (տեղական) | 407.9 կմ |

Մարզում կան

- կամուրջներ և կամրջային անցումներ 175 հատ
- ավտոմոբիլային թունելներ 5 հատ

2017թ-ին իրականացված և ծրագրավորված աշխատանքների ընդհանուր արժեքը կազմել է **12,26 մլրդ դրամ**, փաստացի կատարվել է **12,05 մլրդ դրամի** աշխատանք (հավելված 1):

ՀՀ Լոռու մարզում ֆինանսական բոլոր աղբյուրներով
ճանապարհաշինության ոլորտում իրականացված աշխատանքներ
ըստ ֆինանսավորման աղբյուրների

Հ/ h	Օբյեկտի և ծրագրի անվանումը	2017թ. Ծրագիր (մլն դրամ)	Կատարվել է 2017թ. (մլն դրամ)	Ծանոթու- թյուն
	Ընդամենը մարզում՝	12,258.87	12,045.87	
	ՀՀ ՊԵՏԱԿԱՆ ԲՅՈՒՋԵ	635.67	480.37	
1	ՀՀ ՏՐԱՆՍՊՈՐՏԻ, ԿԱՊԻ ԵՎ ՏԵՂԵԿԱՏՎԱԿԱՆ ՏԵԽՆՈԼՈԳԻԱՆԵՐԻ ՆԱԽԱՐԱՐՈՒԹՅՈՒՆ	122.50	94.90	
2	ՀՀ ԼՈՌՈՒ ՄԱՐԶՊԵՏԱՐԱՆ	513.17	385.47	
3	ՀԱՄԱՅՆՔԱՅԻՆ ՄԻՋՈՑՆԵՐ	424.60	366.90	
4	ՄԻՋԱԶԳԱՅԻՆ ԿԱԶՄԱԿԵՐՊՈՒԹՅՈՒՆՆԵՐ, ԴՈՆՈՐՆԵՐ	11,198.60	11,198.60	

Հավելված 1

Հ/ h	Օբյեկտի և ծրագրի անվանումը	2017թ. Ծրագիր (մլն դրամ)	Կատարվել է 2017թ. (մլն դրամ)	Ծանոթու- թյուն
	Ընդամենը մարզում՝	12,258.87	12,045.87	
	ՀՀ ՊԵՏԱԿԱՆ ԲՅՈՒՋԵ	635.67	480.37	
I	ՀՀ ՏՐԱՆՍՊՈՐՏԻ, ԿԱՊԻ ԵՎ ՏԵՂԵԿԱՏՎԱԿԱՆ ՏԵԽՆՈԼՈԳԻԱՆԵՐԻ ՆԱԽԱՐԱՐՈՒԹՅՈՒՆ	122.50	94.90	
1	Վանաձոր քաղաքի Հալաբյան փողոցի կամուրջի վերականգնում	100.00	72.40	
2	Տաշիր քաղաքի Կրուպսկայայի անվան փողոցի կամուրջի վերականգնում	22.50	22.50	
II	ՀՀ ԼՈՌՈՒ ՄԱՐԶՊԵՏԱՐԱՆ	513.17	385.47	

1	Կառավարության 16.02.2017թ թիվ 503-Ն որոշումով Վանաձոր, Ալավերդի, Տաշիր և Ստեփանավան համայնքներում ճանապարհների վերանորոգում	123.60	94.80	
2	Կառավարության 24.08.2017թ թիվ 1047-Ն որոշումով Վանաձոր համայնքի ճանապարհների վերանորոգում	290.90	197.50	
3	Նախագծահետազոտական աշխատանքներ	9.00	3.50	
4	Մարզային նշանակության ավտոճանապարհների ձմեռային պահպանում, ընթացիկ պահպանում և շահագործում	89.67	89.67	
III	ՀԱՄԱՅՆՔԱՅԻՆ ՄԻՋՈՑՆԵՐ	424.60	366.90	
1	Ներհամայնքային ճանապարհների նորոգում	424.60	366.90	
IV	ՄԻՋԱԶԳԱՅԻՆ ԿԱԶՄԱԿԵՐՊՈՒԹՅՈՒՆՆԵՐ, ԴՈՆՈՐՆԵՐ	11,198.60	11,198.60	
1	Եվրոպական ներդրումային բանկի և Ասիական զարգացման բանկի համատեղ ֆինանսավորմամբ՝ Մ6 Վանաձոր-Ալավերդի-Վրաստանի սահման միջպետական ավտոճանապարհի հիմնանորոգման աշխատանքներ	11,063.0	11,063.0	
2	Գերմանիայի ֆինանսական համագործակցություն ծրագրի շրջանակներում Ստեփանավանի "Դենդրոպարկի" զբոսաշրջային ենթակառուցվածքի բարելավում	13.0	13.0	
3	"Տաշիր" բարեգործական հիմնադրամի միջոցներով Տաշիր քաղաքի Գետափնյա փողոցի նորոգման աշխատանքներ	12.6	12.6	
4	"Համբարձումյանների ընտանիք" բարեգործական հիմնադրամի միջոցներով Սպիտակ քաղաքի ճանապարհների նորոգման աշխատանքներ	50.0	50.0	
5	Բնապահպանական ծրագրով նախատեսված Հազվի և Աքորի համայնքների միջհամայնքային և ներհամայնքային ճանապարհների ասֆալտապատում	43.0	43.0	
6	"Ճանապարհ" ՍՊԸ-ի կողմից Դարպաս համայնքի դեպի դպրոց տանող ճանապարհի հիմնանորոգման աշխատանքների իրականացում	17.0	17.0	

Հրապապ ծրագրով իրականացված ճանապարհաշինական աշխատանքներ

- Վանաձոր քաղաքի փողոցների անմխիթար վիճակի վերաբերյալ խնդիրը մարզպետի կողմից ներկայացվել էր հանրապետության նախագահին: Նախագահի հանձնարարականով կառավարության 23.06.2017թ թիվ 720-Ն և 24.08.2017թ թիվ 1047-Ն որոշումներով **300 մլն դրամ** հատկացվեց Վանաձոր համայնքի փողոցների վերանորոգման համար: Լոռու մարզպետարանի տրանսպորտի և ճանապարհաշինության բաժնի աշխատակիցների և Վանաձորի քաղաքապետարանի ներկայացուցիչների հետ համատեղ կատարվել են ուսումնասիրություններ՝ ընտրելով քաղաքի կարևորագույն հանգույցները և հասարակական տրանսպորտով երթուղիներ իրականացվող փողոցներ: Փողոցների ցանկը քննարկվել և հաստատվել է մարզպետի կողմից: Մրցույթի արդյունքում կազմակերպությունների կողմից առաջարկվող գինը կազմել է **203.0 մլն դրամ**, խնայողությունը՝ **97.0 մլն դրամ**: Արդյունքում վերանորոգվել են Վարդանանց, Զ.Անդրանիկ, Հալաբյան, Աղայան, Ուսանողական, Շինարարների, Մյասնիկյան, Նժդեհի, Շիրակացու, Թումանյան, Ներսիսյան, Զորյան, Տավրոսի 6-րդ, Դեմիրճյան փողոցները, Երևանյան խճուղին,

Լոռվա հրապարակից մինչև Նարեկացու փողոց հատվածը: Համատարած ասֆալտապատման մակերեսը կազմել է մոտ 32500 քմ, իսկ փոսային նորոգման մակերեսը՝ մոտ 10000 քմ:

- Կառավարության 16.02.2017թ թիվ 503-Ն որոշումով **76.0 մլն** դրամ է հատկացվել Վանաձոր համայնքի փողոցների վերանորոգման համար: Մրցույթի արդյունքում կազմակերպությունների կողմից առաջարկվող գինը կազմել է **57.0 մլն դրամ**, խնայողությունը՝ **19.0 մլն դրամ**: Արդյունքում վերանորոգվել են Տպագրիչների, թիվ 10 դպրոցի արևելյան կողմի և Ինֆեկցիոն հիվանդանոց տանող փողոցները, Ներսիսյան նրբանցքը: Համատարած ասֆալտապատման մակերեսը կազմել է մոտ 5000 քմ, իսկ փոսային նորոգման մակերեսը՝ մոտ 1000 քմ:

ՀՀ տրանսպորտի, կապի և տեղեկատվական տեխնոլոգիաների նախարարության պատվերով
իրականացված ճանապարհաշինական աշխատանքներ

- Ներկայումս ընթացքի մեջ են Մ6 Վանաձոր-Ալավերդի-Վրաստանի սահման միջպետական ավտոճանապարհի առաջին փուլով նախատեսված հիմնանորոգման աշխատանքները, որոնց պայմանագրային ընդհանուր արժեքը կազմում է **15.45 մլրդ դրամ**: Մինչ օրս կատարվել են **11.063 մլրդ դրամի** աշխատանքներ: Առաջին փուլով վերականգնվող հատվածի ընդհանուր երկարությունը կազմում է 38.45 կմ, որը բաղկացած է 3 չափաբաժնից՝ 17.625 կմ, 12.5 կմ և 8.325 կմ երկարությամբ, կապալառու կազմակերպություններն են՝ «Արարատի» ՃՇՇ, «Ճանապարհ» ՍՊԸ և «Կապավոր» ՍՊԸ: Ներկայումս ճանապարհի վերակառուցման ավարտական փուլում գտնվող երեք թունելները բերվել են ժամանակակից տեսքի, ապահովվել են ստանդարտներով պահանջվող գաբարիտային չափերը, կառուցվել է երեք նոր կամուրջ:

Երկրորդ փուլով նախատեսվող ճանապարհահատվածի երկարությունը կազմում է 51.74 կմ, որից 32.95 կմ՝ Լոռու մարզում: Մրցույթն ամփոփվել է, ընդհանուր արժեքը կազմել է 12.46 մլրդ դրամ, հաղթողներ են ճանաչվել. I չափաբաժին – «Հորիզոն-95» ՍՊԸ, արժեքը՝ 4.88 մլրդ դրամ, երկարությունը՝ 9,69 կմ, II չափաբաժին – «ԱԱԲ ՊՐՈՅԵԿՏ» ՍՊԸ, արժեքը՝ 2.86 մլրդ դրամ, երկարությունը՝ 14.16 կմ, III չափաբաժին – «Սուարդի» ԲԸ հայաստանյան մասնաճյուղ իտալական կազմակերպությունը, արժեքը՝ 4.72 մլրդ դրամ, երկարությունը՝ 27,891 կմ: Աշխատանքների սկիզբը նախատեսված է 2018թ գարնանը, ավարտը 2020թ-ի աշնանը:

Մ-6 միջպետական նշանակության ճանապարհի հիմնանորոգման և Վանաձոր համայնքի փողոցների վերանորոգման արդյունքում Վանաձոր քաղաքում ամբողջովին բարելավվել է Մ-6 և Մ-8 միջպետական նշանակության ճանապարհները կապող փողոցների վիճակը:

- Հիմնանորոգվել է Վանաձոր քաղաքի Հալաբյան փողոցի կամուրջը: ՀՀ բյուջեով նախատեսվել էր 100.0 մլն դրամ: Մրցույթի արդյունքում կազմակերպությունների կողմից առաջարկվող գինը կազմել է **72.4 մլն դրամ**, խնայողությունը՝ **27.6 մլն դրամ**: Արդյունքում վերանորոգվել են կամուրջի ե/բետոնե կոնստրուկցիաները, հիմնանորոգվել է ե/բետոնե ծածկը, տեղադրվել է մետաղական բազրիք, կատարվել է համատարած ասֆալտապատում:

Մարզպետարանին հատկացված միջոցներով իրականացվել են մարզային նշանակության ա/ճանապարհների պահպանում և շահագործում՝ **89.67 մլն դրամ** ընդհանուր արժեքով, որից ընթացիկ ձմեռային պահպանման համար՝ 35.12 մլն դրամ, ընթացիկ ամառային պահպանման համար՝ 54.55 մլն դրամ:

Ճանապարհաշինության ոլորտում արձանագրված խնդիրները և դրանց
վերացմանն ուղղված միջոցառումները

- Ճանապարհաշինության ոլորտում ներդրումները բավարար չեն մարզի ամբողջ ճանապարհային ցանցի վերանորոգման համար:

2018թ նախատեսվում է իրականացնել մարզային նշանակության ավտոճանապարհների ուսումնասիրություն, բոլոր ճանապարհների իրավիճակային նկարագիր, ունենալ մարզի հրատապ լուծում պահանջող ճանապարհահատվածների հիմնանորոգման մոտավոր հաշվարկ՝ ֆինանսավորման աղբյուրների և դոնորների առկայության դեպքում՝ վերջիններիս առաջարկ տրամադրելու համար:

ԲՆԱԿԱՐԱՆԱՅԻՆ ԵՎ ԵՆԹԱԿԱՌՈՒՑՎԱԾՔՆԵՐԻ

ԳՈՐԾՈՒՆԵՈՒԹՅԱՆ ԲՆԱԳԱՎԱՌ

Բնակֆոնդ

Բնակչության կենսապահովման կարևոր բնագավառ է հանդիսանում բնակարանային եւ ենթակառուցվածքների գործունեության ոլորտը, ինչը համակարգում է մարզի բազմաբնակարան շենքերի կառավարումը և կոմունալ գործունեությունը, ապահովում կապը բնակչության, տեղական ինքնակառավարման մարմինների և մարզպետարանի միջև:

ՀՀ Լոռու մարզում առկա է 1805 բազմաբնակարան շենք, դրանց կառավարումն իրականացվում է համատիրությունների եւ համայնքների ղեկավարների միջոցով:

Մարզում առկա է՝

- ✓ Մարզի անավարտ մնացած, տարբեր աստիճանի պատրաստվածության բնակելի շենքերը 288-ն են
- ✓ III կարգի վնասվածության եւ ամրացման ենթակա բազմաբնակարան շենքերը – 169
- ✓ տանիքի վերանորոգման կարիք ունի 430 բազմաբնակարան շենք
- ✓ գործող համատիրությունները մարզում 42-են (41 Վանաձորում, 1-ը Գուգարքում)
- ✓ Մարզում առկա 185 վերելակներից 56-ն անսարք են (129 սարքին)

Մարզի բնակարանային ֆոնդի կառավարման եւ շահագործման ոլորտում արձանագրված թերությունները եւ դրանց վերացմանն ուղղված միջոցառումները

Լոռու մարզի քաղաքային համայնքների համատիրությունների եւ բնակարանային տնտեսության բաժինների ոչ բավարար աշխատանքի վերաբերյալ մարզի բնակիչներից ստացվում են դիմում-բողոքներ, որոնք հիմնականում վերաբերվում են աղբահանությանը, շենքի սանիտարական մաքրմանը, բազմաբնակարան շենքերում ջրամատակարարման և կոյուղու համակարգերի մաշվածությանը, ինչպես նաև համասեփականության այլ տեսակներին առնչվող առկա խնդիրներին (տանիք, նկուղ, աստիճանավանդակ, շքամուտքի պատուհան, դուռ): Դրանք պարբերաբար քննարկվում են քաղաքապետարանների համապատասխան բաժինների, համատիրությունների և բնակարանային տնտեսության բաժինների հետ: Խնդիրների կարգավորման դժվարությունը կայանում է նրանում, որ բնակչության կողմից հավաքագրված վարձավճարների ծայրաստիճան ցածր մակարդակը թույլ չի տալիս իրականացնել նույնիսկ ամենահրատապ վերանորոգման աշխատանքները:

Պարոն մարգարտ, 2016թվականի հաշվետվությանը Ձեր կողմից տրվել էր հանձնարարական, համաձայն որի՝

- ✓ *համադիրությունների նախագահներին հանձնարարվել է յուրաքանչյուր եռամսյակ համադիրության կողմից կատարված աշխատանքների վերաբերյալ կազմել ֆինանսական հաշվետվություն եւ փակցնել սպասարկվող շենքերի շքամուտքերում:*
- ✓ *կազմակերպել վարչության համապատասխան աշխատակիցների մասնակցությունը համադիրության փարեկան հաշվետվությանը*
- ✓ *Բազմաբնակարան շենքերի բնակիչներին փարբեր տեղեկատվական միջոցներով իրազեկել իրենց իրավունքների, պարտականությունների մասին, ինչը կբարձրացնի նրանց հետեւողականությունը համադիրությունների գործունեության նկատմամբ եւ կնպաստի համադիրությունների նպատակային, արդյունավետ, թափանցիկ աշխատանքին՝ հնարավորինս կատարելով օրենքով իրեն վերապահված լիազորությունները:*

Բազմաբնակարան շենքերի կառավարման ոլորտում առկա խնդիրների կարգավորումը կնպաստի բնակարանային ֆոնդի պատշաճ շահագործմանն ու պահպանմանը, բնակչության կենցաղի, բարեկեցության մակարդակի բարձրացմանը:

Աղբահանություն

Մարզում համակարգված աղբահանություն իրականացվում է հիմնականում քաղաքային համայնքներում: Գյուղական համայնքներում հատուկ աղբամաններ չեն նախատեսվում, աղբահանությունը կատարվում է լոկալ եղանակով, չկան պահանջվող նորմերին համապատասխանող աղբավայրեր, չկան նաեւ աղբավայրերից կեղտաջրերի ֆիլտրացման համակարգեր (բացառությամբ Ալավերդի քաղաքի):

2017թվականի երկրորդ կիսամյակից, ՀՀ վարչապետի հանձնարարությամբ, համայնքային բյուջեում աղբահանության նպատակով գումար նախատեսած համայնքների ղեկավարներին շրջաբերական գրություն է ուղարկվել, հանձնարարվել է աղբահանության պայմանագրեր կնքել իրավաբանական անձանց հետ եւ աղբահանության վարձավճարներ գանձել ՀՀ տարածքային կառավարման նախարարության կողմից առաջարկվող դրույքաչափերով:

2017թվականի հունիս ամսին մարզի 14 համայնքներում իրավաբանական անձերի թիվը եղել է 1845-ը, իսկ 2018թվականի հունվարի մեկի դրությամբ՝ 211-ով ավելի (2056):

Աղբահանության գործընթացը վերահսկելու եւ պարշաճ մակարդակի հասցնելու նպատակով նախատեսվում ենք պարբերական այցեր համայնքներ՝ համայնքների ղեկավարների հետ քննարկումներ աղբահանության առավել արդյունավետ փարբերակներ գտնելու համար:

ՀՀ Լոռու մարզում գույքագրված է 348 աղբավայր, որից 340-ը փակված է:

«Մաքուր Հայաստան» ծրագրի շրջանակներում հոկտեմբեր-հունվար ամիսներին բնակչության կողմից էլեկտրոնային քարտեզում տեղադրվել է ոչ սահմանված վայրում աղբաթափման և աղբահանման ուշացման թվով 10 լուսանկար, որից Վանաձոր քաղաքում 7, Բազում, Ալավերդի համայնքներում և Օձունի աղբավայրում՝ մեկական լուսանկար: Նշված թերությունները վերացնելու համար մեր կողմից եղել է արագ արձագանք և համայնքների համապատասխան ոլորտը սպասարկող մասնագետների հետ տեղերում ուսումնասիրվել և վերացվել են թերությունները: Վերոնշյալ քարտեզում տեղադրվող լուսանկարների նկատմամբ իրականացվում է ամենօրյա վերահսկողություն:

Ի կատարումն ՀՀ կառավարության 14.12.2017թ. նիստի արձանագրության և ՀՀ տարածքային կառավարման և զարգացման նախարարի 20.12.2017թ. հանձնարարականի, Լոռու մարզպետարանի աշխատակազմի քաղաքաշինության վարչության աշխատակիցների կողմից 2018 թվականի հունվար

ամսին ուսումնասիրվել են Մ8 Վանաձոր-Դիլիջան, Մ3 ճանապարհի Ջրաշեն-Վանաձոր-Տաշիր-Վրաստանի սահման, Հ33 Ստեփանավան-Յաղդան-Այգեհատ, Հ35 ճանապարհի Այգեհատ-Օձուն-Մ6 և Մ6 ճանապարհի Ալավերդի-Քարկոփ հատվածները: Նշված հատվածներում ինչպես ճանապարհին հարող այնպես էլ վերը նշված ճանապարհներին հարակից համայնքների վարչական տարածքներում առկա են կենցաղային և շինարարակ աղբի կուտակումներ:

Մեր կողմից գրություններ է ուղարկվել համապատասխան համայնքների ղեկավարներին և ճանապարհաշինական ձեռնարկություններին, հանձնարարվել է վերացնել նշված աղբակույտերը, արդյունքների մասին ներկայացնել տեղեկատվություն եւ նշված աշխատանքները կատարել ողջ տարվա ընթացքում:

Ջրամատակարարում եւ ջրահեռացում

2017 թվականի հունվարից «Վեոլիա Ջուր» ընկերությունը պաշտոնապես դարձել է Հայաստանի Հանրապետության խմելու ջրամատակարարման և ջրահեռացման համակարգերի միասնական օպերատորը, ում սպասարկման տարածքում առկա է 37 համայնք (28 բնակավայրով):

Ջրամատակարարման համակարգերն արդյունավետ կառավարելու, վթարավերականգնողական աշխատանքների արձագանքման ժամանակահատվածը կրճատելու, ինչպես նաև ջրամատակարարման համակարգում չհաշվառված ջրաքանակները նվազեցնելու նպատակով «Վեոլիա Ջուր» ընկերության «Լոռի» տեղամասում ստեղծվել է գոտիավորման բաժին և կատարվել են կառուցվածքային փոփոխություններ: Մարզի հիմնական մասը մատակարարող «Նովոսելցով» ջրատարի որոշ հատվածներում իրականացվել է բարձրադիր ու ցածրադիր ջրաղբյուրների վերաբաշխում: Իրականացված աշխատանքների շնորհիվ բարձրացել է ջրատար համակարգերի հուսալիության աստիճանը, ինչպես նաև նվազել է վթարների առաջացման հավանականությունը:

Բազմաթիվ դիմում բողոքներ ենք ստացել Վանաձորի Տարոն եւ Դիմաց թաղամասերի բնակիչներից՝ շենքերի թերսնուցման, ջրի ցածր ճնշման վերաբերյալ:

«Վեոլիա Ջուր» ընկերության կողմից իրականացվել են լայնածավալ գոտիավորման և շինարարական աշխատանքներ «Տարոն 4», «Դիմաց» թաղամասերում՝ կառուցվել են նոր ջրագծեր, օրվա կարգավորիչ ջրամբարներ: Իրականացված աշխատանքների շնորհիվ ոչ միայն 2 ժամով հնարավոր է դարձել ավելացնել 8-րդ գոտում գտնվող մի քանի թաղամասերի ջրամատակարարումը, այլև ցանցում բարձրացել է ջրի ճնշումը՝ վերացնելով բաժանորդների բողոքները:

Մարզի Տաշիր, Սպիտակ և Ստեփանավան քաղաքներում նույնպես իրականացվել են համայնքների այլընտրանքային ջրամատակարարման ապահովման, պոմպակայանների արդյունավետության բարձրացման, ջրամատակարարման ցանցի բարեկարգման, կապտաժների վերակառուցման եւ այլ աշխատանքներ:

Մտահոգիչ է ջրամատակարարման սեփական համակարգ ունեցող համայնքների հարցը: Մարզի 36 համայնք (30 բնակավայրով) չի օգտվում կենտրոնական ջրամատակարարման համակարգից եւ խմելու ջրի պաշարները ստանում է սարերի բնական աղբյուրներից, գետերից:

Չնայած նշված համայնքները պարբերաբար իրականացնում են վերանորոգման աշխատանքներ, այնուամենայնիվ, դեռեւս խորհրդային տարիներին կառուցված ջրամատակարարման ներքին ցանցի խիստ մաշվածության կամ բացակայության պատճառով խմելու ջրի մաքրման, քլորացման աշխատանքների արդյունավետությունը խիստ ցածր է: Դրա վկայությունն են ՀՀ առողջապահության

նախարարության «Հիվանդությունների վերահսկման և կանխարգելման ազգային կենտրոն» ՊՈԱԿ-ի կողմից իրականացվող վերահսկողության արդյունքները:

2017թվականին ջրամատակարարման բնագավառում ՀՀ ԿԱ <<Գյուղական տարածքների տնտեսական զարգացման ԾԻԳ>> ՊՀ կողմից իրականացվել են 292,5 մլն դրամի աշխատանքներ, որից՝

- | | |
|---|-----------------|
| ✓ 1. Սվերդլով համայնքի խմելու ջրագծի կառուցում | – 242.9մլն դրամ |
| ✓ 2. Դսեղ համայնքի խմելու ջրագծի ներքին ցանցի կառուցում | – 8.0մլն դրամ |
| ✓ 3. Դսեղ համայնքի տնամերձ ոռոգման ցանցի կառուցում | – 14.7 մլն դրամ |
| ✓ 4. Ճոճկան համայնքի լրացուցիչ ջրամատակարարում | – 26.9 մլն դրամ |

Գազամատակարարում

Լոռու մարզի 56 համայնքները՝ 7 քաղաքային եւ 49 գյուղական, բաշխված են 5 տարածաշրջանների մեջ: Առ 01.01.2018թ. դրությամբ մարզում առկա է գազաֆիկացված 50 (89.3%) եւ չգազաֆիկացված 6(10.7%) համայնք: Գազաֆիկացված չէ նաև 29 բնակավայր: Առ 01.01.2018թ. դրությամբ Լոռու ԳԳ մասնաճյուղի սպասարկման տարածքի գազամատակարարումը վերականգնված և գազիֆիկացված բնակավայրերում առկա են թվով **65177** բաժանորդներ, 30344 բնակարաններ և 34833 առանձնատներ, որից թվով 30879 Վանաձոր քաղաքում: 2017թ. ընթացքում բաժանորդների թվաքանակը աճել է 628-ով, որից 326 բնակարաններ և 302 առանձնատներ:

Հաշվետու ժամանահատվածում ոչ պետական միջոցներով մարզում իրականացվել են **167.0 մլն. դրամ** ընդհանուր արժեքով գազամատակարարման աշխատանքներ՝ դրանք են.

- մասնաճյուղի սպասարկման տարածքի մի շարք համայնքներում միջին և ցածր ճնշման գազատարերի վթարային հատվածների վերատեղադրում, փոխարինում և մեկուսիչ ծածկույթի վերանորոգում.
- մասնաճյուղի սպասարկման տարածքի մի շարք համայնքներում ԳԿԿ-ների (գազակազավորիչ կետեր) հիմնանորոգման և ՊԳԿԿ-ում (պահարանային գազակազավորիչ կետեր) ջեռուցման վառարանների տեղադրում.
- Բնակիչ-բաժանորդների ներտնային գազահամակարգերում անվտանգության սարքերի տեղադրում.
- Դեբետ համայնքի «ՍՄԱՐԹ» կենտրոնի գազաֆիկացում.
- Թվով 628 բնակարանների, առանձնատների և 31 հիմնարկ-ձեռնարկությունների գազաֆիկացում:

ԷՆԵՐԳԱՄԱՏԱԿԱՐԱՐՈՒՄ

ՀՀ Լոռու մարզի էլեկտրաէներգիայի մատակարարը «Բարձրավոլտ էլեկտրացանցեր» ՓԲԸ «Հյուսիսային» մասնաճյուղն է, որը հանդիսանում է միջանկյալ օղակ արտադրող կայանների և բաշխիչ ցանցերի միջև ՀՀ հյուսիսային տարածքում: «Հյուսիսային» մասնաճյուղը հանդիսանում է նաև կարևոր օղակ, որի միջոցով կատարվում է էլեկտրաէներգիայի փոխանցումը Վրաստանի Հանրապետություն:

2017թ.-ի ընթացքում «Հյուսիսային» մասնաճյուղի կողմից իրականացվել են էլ.սարքավորումների

սպասարկման ու վերանորոգման աշխատանքներ՝ **4.1** մլն. դրամ և օդային գծերի շահագործման և սպասարկման համար՝ **1.1** մլն. դրամ:

2017թ-ի հոկտեմբերի 16-ից սկսվել են «Վանաձոր-1» ենթակայանի վերակառուցման աշխատանքները՝ Համաշխարհային Բանկի աջակցությամբ էլեկտրամատակարարման Հուսալիության Ծրագրի լրացուցիչ ֆինանսավորման շրջանակներում: Ծրագիրն իրականացնում է չինական «XIAN ELECTRIC ENGINEERING CO.,Ltd» ընկերությունը՝ **2473.5** մլն դրամ գումարով:

ՀՀ Լոռու մարզում էլեկտրաէներգիայի մատակարարումն իրականացնում է «ՀԷՑ» ՓԲԸ «Դեբեդ» մասնաճյուղը, որի սպասարկման տարածքի բնակավայրերում առ 01.01.2018թ. դրությամբ առկա է շուրջ **83 908** բաժանորդ: 2017թ.-ի ընթացքում «ՀԷՑ» ՓԲ ընկերության կողմից մարզում իրացվել է 177.3 մլն. կՎտժ էլեկտրաէներգիա, որից 113.3 մլն. կՎտժ-ը բնակչությանը, ինչի համար անհրաժեշտ էր գանձել 7.654 մլրդ դրամ, փաստացի գանձվել է 7.673 մլրդ դրամ, (100.2%): :

Հաշվետու ժամանահատվածում ոչ պետական միջոցներով մարզում իրականացվել են էլեկտրամատակարարման աշխատանքներ՝ **569.8 մլն** դրամ, որից.

«ՀԷՑ» ՓԲ ընկերության կողմից կատարվել է շուրջ **509.8 մլն** դրամի ներդրում.

- Նոր բաժանորդների միացման աշխատանքներ
- Տրանսֆորմատորային ենթակայանների տանիքների նորոգման և ենթակայանների հիմնանորոգման աշխատանքներ
- Օդային և մալուխային գծերի հիմնանորոգման աշխատանքներ

Թվով 26 համայնքապետարանների ֆինանսավորմամբ իրականացվել են փողոցային լուսավորության համակարգերի կառուցման և բարելավման աշխատանքներ՝ **60.0 մլն** դրամի:

ԿԱՊ

ՀՀ Լոռու մարզում բջջային հեռախոսակապի ծառայություններ են մատուցում երեք օպերատորներ՝ «ՎեՈՆ Արմենիա» ՓԲԸ, «ՄՏՍ Հայաստան» ՓԲԸ և «ՅՈՒԲՈՄ» ՍՊԸ-ները: «ՎեՈՆ Արմենիա» ՓԲԸ Լոռու մարզում տեղակայված ավտոմատ հեռախոսակայանների միջոցով մատուցում է նաև ֆիքսված հեռախոսակապի ծառայություններ: Ֆիքսված հեռախոսակապի պահանջարկը բավարարված է՝ կայանների ընդհանուր ունակությունը կազմում է 47,680 հեռախոսահամար, ներկայում բաժանորդների քանակը՝ 28,000 (CDMA ռադիոկապի բազային կայաններ տեղադրված են Վանաձոր, Սպիտակ, Ստեփանավան, Տաշիր, Ալավերդի քաղաքներում, ընդհանուր ունակությունը՝ 23,100 հեռախոսահամար, բաժանորդների քանակը՝ 3,400):

«ՎեՈՆ Արմենիա» ընկերության կողմից 2017 թվականին ՀՀ Լոռու մարզում իրականացվել են.

1. Վանաձոր, Ստեփանավան, Տաշիր, Թումանյան, Սպիտակ և Մարգահովիտ համայնքներում իրականացվել են օպտիկամանրաթելային մալուխի անցկացման աշխատանքներ:
2. Դարպաս համայնքում իրականացվել են Huawei սարքավորման տեղադրում՝ ինտերնետ կապի որակի բարձրացման նպատակով:
3. Թումանյան քաղաքի

Շամլուղ բնակավայրում իրականացվել են օպտիկամանրաթելային մալուխի անցկացման և հեռախոսաֆիկացման աշխատանքներ: